

ՎԱՍՊՈՒՐԱԿԱՆԻ ԻՇԽԱՆՈՒԹՅԱՆ ՔԱՂԱՔԱԿԱՆ ԿՈՂՄՆՈՐՈՇՈՒՄԸ
IX ԳԱՐԻ ԿԵՍԻՆ

Վ. Մ. ՎԱՐԳԱՆՅԱՆ

Աբբասյան խալիֆայության տիրապետության ժանր պայմաններում Վասպուրական նահանգի նախարարները կարողացան պահպանել իրենց ինքնավարությունը: Ճիշտ է, նրանք ընդունում էին խալիֆայի և նրա դրածոների տերունական իրավունքները, սակայն՝ որոշակի պայմաններում ու շրջանակներում: Քաղաքական տեսակետից հարավային Հայաստանում IX դարի կեսին դրական դործոն էր Վասպուրականի և Տարոնի նախարարների միջև ստեղծված զինակցությունը, որն է՛լ ավելի էր օրինականացնում երկրի հայազգի իրավատերերի ֆեոդալական իրավունքները: Մութավաթիլ խալիֆան (847—861), ջանալով կենտրոնացնել իր պետությունը, հալածանքներ սկսեց ծայրամասի բնակիչների դեմ¹, հարուցելով նրանց դժգոհությունը: Այս քաղաքականությունը իր դրսևորումն ստացավ նաև Հայաստանում, նախ և առաջ երկրի հարավային գավառներում, որոնք ավելի մոտ լինելով խալիֆայությանը, ավելի վաղ և ավելի հաճախ էին իրենց վրա կրում դրա հետևանքները: 849 թ. հարավային Հայաստան ուղարկվեց Աբու Սաիդ (Թովմա Արծրունու մոտ՝ Ապուսեթ) ամիրան, որպես «վերսկացու Հայոց և հալածարիմ ի վերայ հարկաց արքունի»²: Այս շրջանում նույնպես Հայաստանը մուծում էր արքունի հարկ: Դրա հավաքումը դրված էր Տարոնի իշխան Բադարատ Բագրատունու (Աշոտ Մսակերի որդու) վրա, որը «ունէր յայնժամ զզխաւորութիւն բարձակցութիւն իշխանաց Հայոց»³,— գրում է Թովմա Արծրունին: Բնականաբար, արքունի հարկը չէր միայն Ապուսեթի գալստյան պատճառը (քանի որ այն առանց այդ էլ, թեև երբեմն ուշացումով, մուծվում էր), այլ հայ իշխաններին ինքնավարությունից զրկելը: Այդ էր թելադրում Մութավաթիլի ոչ միայն քաղաքական, այլև կրոնական քաղաքականությունը, որի համար հանդուրժելի չէր այլակրոն իշխանների գոյությունը: Արքունի հարկը լուր պատրվակ էր: «Ետքա,— գրում է պատմիչը,— ի մտի եղեալ էին, թերևս պատիր խաբէութեամբ կարասցեն բառնալ զնոսա յիրաքանչիւր տէրութենէ»⁴: Սակայն Վասպուրականի և Տարոնի իշխանների՝ միմյանց հետ ունեցած դաշինքը («անլոյծ միաբանութիւն ուխտի») թույլ չտվեց այդ իրականացնել: Հայ իշխանների միասնությունն ու բւժր հարկադրեցին, որպեսզի Սպուսեթը իր ժամանման պատճառ հայաարարի միայն հարկերն ու հոգաբարձությունը: Անշուշտ,

¹ Հմմտ. А. Беляев, Арабы, ислам и Арабский халифат в раннее средневековье, М., 1966, էջ 217:

² Թովմա Արծրունի, Պատմութիւն տանն Արծրունեաց, Թիֆլիս, 1917, II, Ե., էջ 183:

³ նույն տեղում:

⁴ Թովմա Արծրունի, II, Ե., էջ 183:

և թե՛ այդ ճշմարիտ լինելը, ասլա աչն բանից հետո, երբ հայ նախարարները մոծեցին հարկը, խալիֆայի ձեռնարկած հետագա զործողությունները անհրաժեշտ չէին լինի:

Ապուսեթը վերագառնալիս «զվերակացութիւնն աշխարհիս Հայոց և հարկս արքունի» վստահեց Աղծնիքի ամիրա Մուսե իբն Ջորահային⁵, որը Բագարատ Բաղրասունու քրոջ ամուսինն էր ու թե՛ մոտիկ հարաբերությունների մեջ էր հայ իշխանների հետ, Բայց հավանություն ուներ նրանց հողերի նկատմամբ: Մուսեին Հայաստանի կառավարիչ նշանակելը նպատակ ուներ մեղմել հայերի դժգոհությունը, իսկ մյուս կողմից խալիֆային ցույց տալ, որ իր հրամանը կատարված է: Բայց հազիվ էր Ապուսեթը հեռացել Հայաստանից, երբ ճանապարհին հանդիպեց խալիֆայի կողմից Հայաստանին տիրելու լիազորությամբ ուղարկված զորապետ Ալա իբն Ահմադ ալ Սավաֆին (Թովմա Արծրունու մոտ՝ Ալա Մովափի), որին էլ հենց Ապուսեթը հրահանգեց առաջին հերթին ներխուժել Վասպուրական⁶: Մուսեն, մոտիկից դիտհնալով հայ իշխաններին, թերևս հրաժարվել էր վտանգավոր այդ քայլից: Բացի այդ, ինչպես կտեսնենք ստորև, նա ծրագրեր էր նյութում հատկապես Տարոնի դեմ: Թովմա Արծրունու նկարագրությունից երևում է, որ Ապուսեթը Հայաստանում խալիֆայության քաղաքականության հիմնական արգելակող ուժն էր: Համարում Վասպուրականի զորքերը՝ Աշոտ Արծրունու զլխավորությամբ: Հենց այս նկատառումով էլ նա ամբաստանեց Աշոտին խալիֆայի մոտ, որի համար բողոքագրեք տարավ նաև Վասպուրականի հարևան ամիրաներից, ջանալով ապացուցել խալիֆային, որ Աշոտ Արծրունին «հակառակս ևս թագաւորութեան քոյ բանընդդէմ լինի հանապազ»⁷:

Ալա Մովափին ոչ միայն Վասպուրականի, այլև Հայաստանի մյուս մասերի նկատմամբ պետք է իշխանություն իրականացներ, հավաքեր և փոխանցեր «զհարկս և զհասս արքունի»: Ներխուժելով Աղբակ, նա ասպատակեց Վասպուրականի մյուս գավառները ևս, չխնայելով նաև Անձեացյաց իշխանությանը, որը կախում ունենալով Արծրունիներից՝ հիմնականում վարում էր ինքնուրույն քաղաքականություն: Չնայած դրան, Անձեացիքից ևս «առնուին աւար ի պատճառս ոռճկալս պիտոյից ալրուձիոյն»⁸: Աշոտ Արծրունին ստիպված էր հրովարտակ ուղարկել Ալա Մովափիին և զարմանք հայտնել, թե ինչու է արքունի հարկի պատճառով երկիրը հնթարկում ավերների, այն դեպքում երբ առանց այդ էլ իրենք չեն թերացել հարկատվության մեջ, երբեք չեն հրաժարվել խալիֆայի իշխանությունից: Մական Ալա Մովափին շարունակեց զործադրել իր իշխանությունը Վասպուրականում, որի նախարարները պայքարի հլան իրենց իրավունքների պաշտպանության համար: Վասպուրականցիները փայլուն հաղթանակ տարան: Ալա Մովափին իր զորքի մնացորդներով

5 Նույն տեղում, էջ 184:

6 Նույն տեղում, II, 2, էջ 100—189: Պատմիչի «ի դառնալն Ապուսեթի յԱսորիս» դարձվածը պետք է ուղղել «ի դառնալն Ապուսեթի յԱրքունիս», քանի որ դեպքերի հետագա ընթացքից պարզվում է, որ Ապուսեթը մեկնել է արքունիք (Սամառա), որը ոչ թե Ասորիքում էր, այլ Բագրատ:

7 Նույն տեղում, II, 5, էջ 184:

8 «Անձաւացեաց տերութիւն», այսպես է պատմիչը հորջորջում Անձեացիքի իշխանությունը (Թովմա Արծրունի, II, 2, էջ 189):

փախավ Բերկրիի Ուլմանիկներին մոտ⁹, շահացնելով ասպատակել Հայաստանի մյուս գավառները:

Այլա Մովսիսի պարտությունից հետո միայն Մուսեն իրեն իրավունք վերապահեց զործարել Հայաստանի կառավարիչի իրավունքները: Թովմա Արծրունին գրում է, որ նույն ժամանակ զժողովուրդներ էին առաջացել Բագարատի և Մուսեի միջև, հավանորեն տերիտորիալ բնույթի՝ Վերջինս, արքունի հարկը պատրվակ դարձնելով, ներխուժեց Տարոն, որի իշխան Բաղարատը բրոջ ամուսնու ղեմ օգնություն խնդրեց մյուս բրոջ որդուց՝ Աշոտ Արծրունուց, հաշվի առնելով ոչ միայն «զմերձաւորութիւն հարապատուիլեանն», այլև «զկապակցութիւն ուխտին որ ընդ միմեանս երդմամբ հաստատեալ» էին¹⁰: Աշոտ Արծրունին «ամենայն նախարարօք Վասպուրական տերութեանն» շարժվեց օգնելու Բագարատին¹¹: Օղնության և մեկնում Աշոտ, Գուրգեն և Գրիգոր Արծրունիները՝ «զօրօք իւրեանց», որոնք ներկայացնում էին Վասպուրականի տերունական զորքը: Բացի այդ, օղնության և զնացել նաև Արծրունիների մյուս 16 ճյուղերի զորամասերը¹², հետևաբար տոհմն այդ ժամանակ ուներ 19 ճյուղավորում: Բացի այս զորքերից, Արծրունիների շուրջը համախմբված են տեսնում նաև Վասպուրականի ուրիշ տոհմերի՝ իրենց զորքերով, հանձինս Բագրատունի Թունիկի (մեկ զորամաս), Ամատունիների (ինքն զորամաս)՝ Շապուհի զխավորությամբ, Գնունիների (յոթ զորամաս)՝ Գրիգորի զխավորությամբ, Ընտրունիների (ութ զորամաս)՝ Արտավազի զխավորությամբ: Բացի այդ, Վասպուրականի զորքը իր շուրջն էր միավորում նաև 14 տոհմերի զորամասեր, որ հանել էին ոչ միայն Վասպուրականի, այլև Տուրուբերանի որոշ նախարարներ: Այսպիսով, Արծրունիների շուրջն էին համախմբվել հարավային Հայաստանի հետևյալ նախարարությունները.

Բագրատունի (մի ճյուղը)	Գաղրիկյան
Ամատունի	Վահեունի
Գնունի	Ակեացի
Ընտրունի	Գաբեղյան ¹³
Ապահունի	Մարացյան (Մուրացյան)
Քաջբերունի	Անձևարի
Հավնունի	Հարրացի ¹⁴ :

Բացի հիշատակածներից, պատմիչը գրում է, որ Արծրունիներին զինակցում էին նաև «այլ բազումք յազատ տանէ իւրաքանչիւր զօրօք»¹⁵: Զորաշո-

⁹ Նույն տեղում, էջ 190—191:

¹⁰ Նույն տեղում, էջ 185:

¹¹ Նույն տեղում:

¹² Նույն տեղում, էջ 185—186:

¹³ Թովմա Արծրունու մոտ՝ ռաբալեղեն (էջ 186), որը պետք է լինի Գաբեղյան: Այս նախարարությունը թե՛ Արշակունյաց զահնամակում, և թե՛ այլ աղբյուրներում (Մովսես Խորենացի, Ղազար Փարպեցի, Եղիշե, «Ներսեսի վարքը», Ուխտանեսն և այլն) հանդիպում է միայն «Գաբեղյան» ձևով, թեև Խորենացին գրում է, որ տոհմի նախնին էր Գաբաղը (տե՛ս «Մովսիսի Խորենացույ Պատմութիւն Հայոց», Տփղիս, 1913, II, է, էջ 110):

¹⁴ Թովմա Արծրունու բնագրում (էջ 186)՝ «Հարմացի», որն ուղղելի է Հարրացի (Հարրի նախարարությունը հիշվում է միայն «Ներսեսի վարքում»՝ «Հարրյանք» ձևով, տե՛ս «Սոփերի հայկականք», VI, Վենետիկ, 1853, էջ 34):

¹⁵ Թովմա Արծրունի, II, 2, էջ 186:

կատները հավանաբար ունեցել են 100—200-ական զինվոր (չհաշված Արծրունիներին)։ Պատմագրի հիշած մի քանի անունների տոհմական պատկանելությունը մնում է չպարզված։ Դրանցից է Քոզորոս Վարազխուր Քոզորոսը նույն Քեոզորոս անունն է, որը հանդիպում է Վասպուրականի տոհմերից Ռշտունիների և Վահուենիների մոտ։ Մականյն Ռշտունիները, որպես քաղաքական միավոր, վերացել էին սասարեղից տակավին VIII դարի շեմին։ Ընդհատ է, տոհմի մնացորդները, որ ձուլվեցին Արծրունիներին, կարող էին պահպանել հինավուրց անունները, բայց հազիվ թե պատմագիրը Քեոզորոսին չհիշեր Ռշտունի կամ Վահուենի տոհմանունով, եթե նա իրոք հիշյալ տներից լիներ։ Ավելի հավանական է կարծել, որ եղել է մի բոլորովին այլ տոհմ, որը կրել է «Վարազխ» անունը։ Այս տեսակետից ուշագրավ է, որ «Ներսեսի վարքում» հիշվում է «Վարազք» կամ «Վարազտակք» տոհմը¹⁶ (ընդամենը «Վարազխ» վերադիրը, ավելի ճիշտ՝ «Վարազ», ըստ Հայկազյան բառարանի, ունի «մեծ» իմաստ)։ Վասպուրականից դուրս եղած տոհմերի հիշատակումը ցույց է տալիս, որ Արծրունիներին էին հարել նաև ուրիշ նահանգների իշխաններ։

Արծրունիների ազդեցությունը Ալա Մովսիսի դեմ տարած հաղթանակից հետո բնականաբար ավելի մեծացավ։ Ուշագրավ է, որ նրանց վասալների մեջ հիշվում է Բագրատունի իշխան։ Բագրատունիները Վասպուրականում իրավասու էին տակավին VII դարի վերջերից¹⁷։ Ձորեղացած Արծրունիները նրանց դուրս վանեցին նահանգից, բայց տոհմի երկրորդական ճյուղերից մեկը, հավանորեն ընդունելով Արծրունիների գերիշխանությունը, մնաց Վասպուրականում, իսկ մյուսները անցան Տարոն, Մոկք և այլուր։

Շնորհիվ Վասպուրականի և Տարոնի իշխանների միասնության, Մուսեի դորքը ևս պարտություն կրեց։ Սական հայերը թույլ սովեցին անուղղելի պիսալ, մինչև վերջ չհասցրեցին հաղթանակը, ձեռքից բաց թողնելով Բաղեշին և, որ ավելի կարևոր էր, մոտակայքի Ռահվա լեռնանցքին (Ձորա պահակ) տիրանալու հնարավորությունը։ Հայտնի է, որ հետագայում այլևս հնարավոր չեղավ գրավել հիշյալ լեռնանցքը, որը պաշտպանական հույժ կարևոր դեր ուներ Հայաստանի հարավ-արևմտյան սահմանապահին։

Հակառակ այն բանի, որ վասպուրականցիները օժանդակեցին տարոնցիներին, վերջիններս օգնության չեն հասել թշնամու հարձակմանը ենթարկված Վասպուրականին։ Այս հանգամանքը անշուշտ ուներ իր պատճառները։ Նախ Մուսեն իր զորքով հարմար պահի էր պահում Տարոն ներխուժելու համար։ Թե՛ Մուսեն և թե՛ Ալա Մովսիսն մեկ ընդամենի էին դիմում, որի պես վաղ թե ուշ պետք է պատերազմեին թե՛ Տարոնը և թե՛ Վասպուրականը։ Այս է պատճառը, որ վասպուրականցիները օգնության հասան Տարոնին, չնայած որ վերջինս չէր օգնել իրենց։ Չէ՛ր օգնել, բայց կաշկանդել էր նույն թշնամու մյուս զորաթևին, որին վերացնելու համար պակաս շահադրդոված չէին վասպուրականցիները։ Այսպիսով, Տարոնի և Վասպուրականի զինակցությունը այս անգամ ևս չխախտվեց։ Հենց այդ զինակցության (և ոչ թե մեղու Արծրունու նկատմամբ Բագարատ Բագրատունու, որպես Հայոց իշխանի տերունական իրավունքների) շնորհիվ էր, որ հարավային Հայաստանը առժամանակ պերժ

16 Տե՛ս «Սոփերը հայկական», VI, էջ 36, 129։

17 Տե՛ս «Պատմություն Ղեոնդեայի Մեծի վարդապետի հայոց», Ս. Պետերբուրգ, 1887, Ե. էջ 18։

մնաց խալիֆայության նոր միջոցառումներից: Ամուր էր նաև Վասպուրականի ազատանու քաղաքական համախմբումը (բացառությամբ Վասակ Արծրունու, որը գործակցում էր հակառակորդին)¹⁸:

Թովմա Արծրունու «Պատմությունից» երևում է, որ հայ նախարարները չեն հետևել Հովհաննես Օվայեցի կաթողիկոսի հորդորներին: Վերջինս, ըստ պատմիչի, «զնէր ուխտս ընդ իշխանս աշխարհիս Հայոց՝ ցնալ ըստ արժանի հաւատոցն Քրիստոսի», մինչդեռ նախարարները թեև հաճությամբ ունկրնդրում էին նրան, «սակայն ոչ մեկնեալ լինէին ի ժանդագործ պղծութենէն զազրալից սողոմական ախտիցն, և ըստ մեղաց տանն Արշակունեաց առաջին թագաւորացն մերոց հետազօտեալ լինէին, զնալին ոտնխնթի, դալթ ի գայթս և աղտեղասէրս...»¹⁹:

Պատմիչը որոշակի չի սուտմ, թե ինչու էին կայանում նախարարների մեղանշումները, բնդհանուր որակումներից այն կողմ չի անցնում, նշելով, որ կատարում էին «ապիրատ», «վնասակար» գործեր: Ըստ հրեույթին հոգևորականները դեմ են եղել սլաքարելու, դիմակայելու դժին, դրանում տեսնելով իրենց հոտին սպառնացող օրհասը, արհավիրքներ և վերջապես նախարարների հավատորացութունը, որը, բնականաբար, ներել չի կարող հոգևորական Թովման, որի համար եկեղեցու շահերը վեր են ամեն ինչից, անգամ հարազատ տոհմից: Ուստի պատմիչը դատափետում է նախարարներին և այն էլ Վասպուրականի ու Տարոնի վերը հիշված հերոսական անցքերից հետո: Այնուհետև Թովմա Արծրունին գրում է, թե իբր նախարարների վատ վարքագծի պատճառով երկրին հասան «մեծամեծ շարիրս աշտօքիկ»²⁰, ի նկատի առնելով Յուսուֆի և Բուդայի հետադայում կատարած վայրագությունները:

Ապուսեթի, Ալա Մովսիսի և Մուսեի ձախողանքից հետո Հայաստան ուղարկվեց Յուսուֆը (Ապուսեթի որդին), որը պետք է իրագործեր այն, ինչ կարողացան իր նախորդները: Յուսուֆի առջև դրված խնդիրների մասին պարզ պատկերացում է տալիս խալիֆայի կողմից նրան տրված հրահանգը, որը, ըստ Թովմայի, հանգում էր հետևյալին. «Զիշխանս Հայոց կապանօր առ մեզ հասուցանել, մանավանդ զիշխանն Վասպուրական զԱշոտ», փոխարենը Յուսուֆը Հայաստանն ստանում էր «ի ժառանգութիւն»²¹:

Բացառությամբ Բելաձորիի, որը գրում է թե Մովսիսը իր խալիֆայության երկրորդ տարում²², այսինքն 849 թ. Յուսուֆին ուղարկել է Հայաստան, մյուս արար մատենագիրները գրում են, որ այդ արշավանքը տեղի է ունեցել հիշքի 237 թ.²³ (851/52): Հայ պատմագիրներից ղեկավարին ամենից մոտիկ են կանգնած Թովմա Արծրունին և Հովհաննես Դրասխանակերտցին: Վերջինս արշավանքի թվականը չի նշում, մինչդեռ Թովմա Արծրունին, որ ժամանակակից է և ականատես, գրում է, որ այն տեղի է ունեցել հայոց 3 (այ-

18 Թովմա Արծրունի, II, 2, էջ 191:

19 Նույն տեղում, էջ 193:

20 Նույն տեղում, էջ 195:

21 Նույն տեղում, էջ 196:

22 Baladhuri, The origins of the Islamic state. Kitab Futuh al-Buldar. I, New York, 1916, էջ 331:

23 Իբն Միսբափայի (սկրագի մատենագրեր Հայաստանի մասին, էջ 77), Տարարի (նույն տեղում, էջ 98), Յակուրի (նույն տեղում, էջ 122), Իրն-ալ-Ասիր (Из Тарих-ал-Камилъ Ибн-ал-Асир, Баку, 1940, էջ 67):

սինքն՝ 851) լվականին²⁴։ Կարծում ենք, որ այս թվականն ստույգ է, որովհետև հենց այդ թվականից էր, որ վեցամյա դադարից հետո Փոքր Ասիայի արևելքում վերսկսվեցին ընդհարումները բյուզանդիայի և խալիֆայության միջև²⁵։ Զինաբախումների հիմնական դաշտը լինելու էր Հայաստանը, ուստի անհրաժեշտ էր, որ խալիֆայությունն ամրանար այնտեղ։ Յուսուֆը հենց այդ նկատառումով էր առաջնորդվում։ Հիմնական խոչընդոտը, ըստ Թովմա Արծրունու, համարվում էր Աշոտ Արծրունին։ Խալիֆայությունում կարծիք էր արտահայտվել, թե իբրև նա է մեծագույն վնաս հասցրել իրենց։ Այդ, անշուշտ, ունեւ իր հիմքերը։ Նախ, ինչպես տեսանք, Բագարատը, շնորհիվ Վասպուրականի զորքի, հաղթանակ շահեց։ Հենց վասպուրականցիների վրա գլխավոր մեղքը բարդելու գիտակցությամբ էր, որ Յուսուֆն առաջին հերթին մտավ Վասպուրական (Ատրպատականից)։ Յուսուֆը, — գրում է պատմիչը «եմուտ լինդ կողմն Ատրպատական յԱղբադ գաւառ յերկիրն Վասպուրական և բանակեցաւ ի յԱղամակերտ ոստանին Արծրունեաց և անդէն սկսաւ ասպատակս սփռել, աւար սողնել, կուտել առ ինքն՝ զկապուտ աշխարհին յոյժ սաստկութեամբ»²⁶։ Աղամակերտն Արծրունիների ոստանն էր, ուստի թե՛ Ալա Սովափին և թե՛ Յուսուֆը աշխատում էին առաջին հերթին տիրանալ նրան։ Յուսուֆը հույս ուներ, թե Վասպուրականի տերը՝ Աշոտ Արծրունին կամովին կներկայանա, իրեն, սակայն նրա սպասելիքները ի դերե ելան։ Վասպուրականցիները կամ ու պաշտաստ անցան Մարդաստան, Հասկո ձոր և սուրհանդակների միջոցով Յուսուֆին հասկացնել տվեցին, որ միայն խաղաղությամբ կարող է իրենց հարկադրել, որպեսզի մուծեն արքունի հարկը։ Ուստի երբ Աշոտի մայրը մեկնեց Յուսուֆի մոտ, հետը տարավ մեծամեծ ընծաներ (ինչը ցույց էր տալու, որ վասպուրականցիները չեն դիմա հարկատվությունից) և հաշտություն խնդրեց որդու և մյուս իշխանների անունից։ Յուսուֆը համար գտավ ընդառաջել։ Նա պատանդներ վերցրեց վասպուրականցիներից և հասկանալով, որ չպետք է առիթ տալ, որպեսզի Վասպուրականի և Տարոնի բռնությունները միանան (որի դեպքում անկարելի կլիներ ծնկի բերել հայերին, ինչպես նա գիտեր իր նախորդների փորձից), բարվոք համարեց ընդունել Վասպուրականի իշխանների առաջարկը²⁷։ Այդպիսով թվում էր, թե Յուսուֆին հաջողվեց ճնշել Վասպուրականի և Տարոնի զինակցությունը։

Սակայն եթե Աշոտը իմաստություն ունեցավ չմեկնել Յուսուֆի մոտ, ապա Բագարատ Բագրատունին, անսալով ելալից Յուսուֆի արած հրավերին, մեկնեց նրա մոտ, որովհետև, գրում է պատմիչը, «ոչինչ ունէր զկարծիս զրժանաց առ թագաւորն և առ զօրս նոբա»²⁸։ Իհարկէ, Յուսուֆի մոտ Բագարատի մեկնելն ունեցել է իր զրդապատճառները։ Նախ, Վասպուրականի նկատմամբ Յուսուֆի վերաբերմունքը Բագարատի և Տարոնի մյուս իշխանների մեջ սերմանել էր այն համոզումը, թե իբրև հակված է հայերի հետ խաղաղ հարաբերություններ ստեղծելու մտքին։ Բացի այդ, Բագարատը, որպես Հայոց իշխան, պարտավոր էր կատարել «գասպազս զինուորութեան», այսինքն՝

²⁴ Տե՛ս Թովմա Արծրունի, II, 2, էջ 195։

²⁵ А. Васильев, Политические отношения Византии и арабов, за время Аморийской династии, С. Петербург, 1900, էջ 161։

²⁶ Տե՛ս Թովմա Արծրունի, II, 2, էջ 197։

²⁷ Տե՛ս նույն տեղում, էջ 198։

²⁸ Նույն տեղում, էջ 199։

իր զորքով օգնության զնալ խալիֆայությունը, եթե պահանջեն հանդամանքները²⁹։ Ըստ Լեւոնյի յորոշակի դեր են կատարել նաև հոգևորականների հորդորները։ Վերջիններս, իրենց առանձնաշնորհումները պահպանելու մտահոգությամբ, կողմ էին քաղաքական համակերպմանը, երբեմն կատարում էին հաշտարարի դեր։ Հովհաննես Դրասխանակերտցին գրում է, թե Յուսուֆը «սակս սրբոյ հալրապետին զանիրան խորհէր»³⁰, ինչը հավաստում է, որ Հովհաննես Կվայեցի կաթողիկոսը վատ սպասելիքներ է ունեցել նրանից։ Այդուհանդերձ հուլիսյան հոգևորականությունը այս առումն ևս կողմ էր «չարին չհակառակվելու», տվյալ դեպքում՝ Յուսուֆին հնազանդվելու դիրքորոշմանը։ Իսկ Լեւոնյի համար, որ երբ Բաղարատ Բագրատունին մեկնեց Յուսուֆի մոտ, որպեսզի շուրջ տա իր հնազանդությունը, ասլա նա «բարձեալ ևս ընդ իւր զսուրբ կտակարանս աստուածաշունչ զրոց բազմութեամբ պաշտօնէից քահանայական դասուց»³¹։ Հետևանքն այն եղավ, որ Բաղարատն ու «զամենայն ազգատոհմն նորա» զրվեցին երկաթե կապանքների մեջ և տարվեցին Սամատա։

Յուսուֆը Հայաստանի կսռավարչի՝ իրեն վերապահված պաշտոնը սուլահով և ազդու դարձնելու համար անհրաժեշտ համարեց առաջին հերթին մեջտեղից վերացնել հավակնորդներին՝ Բագրատունիներին, հատկապես նրանց այն շյուղին, որն իշխում էր Տարոնում և Հայաստանի մյուս նախարարների համեմատությամբ ավելի բարձր դահ ունեւր։ Հենց այս նկատառումով էր, որ նա ոչ միայն Բաղարատին, այլև նրա ամբողջ ազդատոհմին արքայաց։ Մյուս կողմից Յուսուֆը համոզված էր, որ Բագրատունիները կամովին չեն հրաժարվի Հայաստանում ունեցած իրենց իրավունքներից, ուստի նա Բաղարատի մոտ ուղարկած ղեկավարների հետ թուղթ առաքեց, զրելով, որ իբր կամենում է «ի ձեռն նորա (Բաղարատի—Վ. Վ.) հաւատալ աշխարհիս Հայաստանեայց»³²։

Թուվմա Արծրունին գրում է, որ «ազդ լինէր իշխանին (Աշոտ Արծրունուն—Վ. Վ.) ի նոյն գնդէն տաճկաց՝ մի տեսանել զերեսս նորա (Յուսուֆի—Վ. Վ.) ծանուցանելով նմա՝ զոր ինչ խորհեալ էր վասն նորա»³³։ Արաբ մատենագիրները (Բելաձորի, Իբն Միսքավայհ, Տաբարի, Յակուբի և ուրիշներ) շեշտում են Բաղարատի հանդեպ Յուսուֆի ուխտադրուժ վերաբերմունքը³⁴։ Ընդամեն Տաբարին գրում է, որ երբ Յուսուֆը ձերբակալեց Բաղարատին, ապստամբ հայերին միացավ նաև Մուսե իբն Ջորահան³⁵, որին հայերից կրած պարտությունը համոզիչ դասեր էր տվել, բայց նշանակություն է ունեցել նաև Յուսուֆի խարդախ ու վտանգավոր (որը կարող էր սպառնալ իրեն համադործակցողներին) խաղը Բաղարատի հանդեպ, որի փեսան էր Մուսեն։ Սա-

29 Նույն տեղում։ Չնայած այս հանդամանքին, հետագայում գերված հայ նախարարներին խալիֆայի ներկայացրած մեղադրանքների մեջ նշվում էր և այն, որ հայերը այրուձի են կաղմել, որը համարվում էր ապստամբություն խալիֆայության դեմ (տե՛ս Թուվմա Արծրունի, III, 2, էջ 256)։

30 «Հովհաննես կաթողիկոսի Դրասխանակերտցոյ Պատմութիւն Հայոց», Թիֆլիս, 1912, էջ 117։

31 Թուվմա Արծրունի, II, 2, էջ 199։

32 Նույն տեղում։

33 Նույն տեղում, էջ 197։

34 Տե՛ս «Արարացի մատենագրեր Հայաստանի մասին», էջ 65, 77, 97 և այլն։

35 Տե՛ս նույն տեղում, էջ 97։

կայն և թե Լիւթ Լիւթունուն արաբները զգուշացրել էին Յուսուֆի նպատակների մասին, ապա Բագարատը «ոչինչ ունէր զկարծիս զրժանաց առ Թաղաւորն և առ զօրս նորա», անիրազելի էր «զպատրանս խաբէութեան նորա»³⁶։ Թեև հավանաբար Լիւթունուն կամ իր մայրը, որ Բագարատի քույրն էր, զգուշացրել էին նրան Յուսուֆի հետին նպատակների մասին, բայց նա չի տնայացել, կամ թերևս իրենք անտեղյակ են եղել Յուսուֆի և Բագարատի հարաբերությունների մասին։ Որոշակի գեր է խաղացել նաև այն պարագան, որ Յուսուֆը իր նենգությունը չգործադրեց Լիւթունունների նկատմամբ։ Բագարատը հույս ունէր, որ նույն վերաբերմունքին կարժանանա նաև ինքը։

Պարզ չէ նաև, թե խութեցիների ապստամբությունը վասպուրականցիները որեւէ մասնակցություն ցույց տվե՞լ են, թե ոչ։ Բեկաձորին հաղորդում է, որ ապստամբած խութեցիներին Հայաստանի «իշխուններից և մեծամեծներից յուրաքանչյուրն ուղարկեց հեծելազոր և հետիոտն զորացունդ»³⁷։ Իսկ Իւն Միսրավայճը գրում է, թե Հայաստանի բոլոր իշխանները միացան ընդդէմ Յուսուֆի և զաշն կնքեցին միմյանց հետ, երգվեցին արյամբ³⁸։ Նույնն է հաղորդում նաև Տաբարին։ Եթե իրոք Վասպուրականի իշխանները մասնակցած լինեին ապստամբությանը, ապա Թովմա Լիւթունին առիթը բաց չէր թողնի զովերգելու իր տոհմի գործիչներին և անպայման կհիշատակեր ապստամբությանը նրանց մասնակցության մասին, մանավանդ որ հանգամանորէն նկատարարում է ոչ միայն ապստամբությունը, այլև նրա գլխավոր ուժի՝ խութեցի լեռնականների կենցաղն ու բարքերը և հիշատակում ապստամբների ձեռքով վասպուրականցի պատանգներին ազատելու փաստը³⁹։

Պետք է կարծել, որ ապստամբությանը Լիւթունունների շմանակեցելը ունեցել է երկու զրգոսպատճառ. նախ՝ Լիւթունի և Յուսուֆի համաձայնությունը, որով վերջինս անցավ «խաղաղութեամբ ընդ աշխարհն Վասպուրական սակաւառոյժ վնասիւք»⁴⁰։ Այդ համաձայնությունը միառժամանակ պահպանվեց Յուսուֆի կողմից, իսկ Լիւթուն Լիւթունին, որ առանց այդ էլ հակված էր խաղաղ կարգավորման, բնականաբար օրինապահ էր մնալու Յուսուֆի հանդեպ։ Զգալի զեր ունեցավ նաև այն պարագան, որ Յուսուֆը չվստահելով Վասպուրականի իշխաններին, հետք վերցրեց պատանդների՝ «ի նախարարութենէն Լիւթունեաց և յազատաց նորա»⁴¹։ Ընդամին, թե՛ Թովմա Լիւթունուն և թե՛ Հովհաննէս Դրասխանակերտցու վկայությամբ, Յուսուֆին պարտության են մատնել Սասունի լեռնականները⁴², իսկ հարեան Տարոնի բնակչությունը, որ քշվել էր զերության ու ստրկավաճառության, չի կարողացել մասնակցել շարժմանը։ Սամվել Անեցին նույնպես վկայում է, որ ապստամբել են «բնակիչք Սիմն կոչեցեալ լերինն» կամ՝ «բնակչաց Տորոս լերինն, որք Սասունք արդ անուանին»⁴³։ Ուրեմն պետք է կարծել, որ արաբ մատենագիրները տուրք են

36 Թովմա Լիւթունին, II, 2, էջ 199։

37 Baladhuri, The Origins of the Islamic State, I, էջ 331։

38 «Արարացի մատենադրեր Հայաստանի մասին», էջ 77։

39 Տե՛ս Թովմա Լիւթունին, II, է. էջ 202։

40 Նույն տեղում, 2, էջ 198։

41 Նույն տեղում, էջ 199։

42 Տե՛ս նույն տեղում, էջ 201—202, Հովհաննէս Դրասխանակերտցի, էջ 119—120։

43 «Սամուէլի բահանայի Անեցոյ Հաւարժունքի գրոց պատմագրաց», Վաղարշապատ, 1893, էջ 92։

տվել խալիֆայության շրջաններում տարածված այն կարծիքին, որով սուլթանամբուլյան մեղքը բարդվում էր ոչ միայն սասունցիների, այլև բովանդակ Հայաստանի վրա, բրպեսզի հայ ազատանուն ասպարեզից վերացնելու համար հերյուրվեն քաղաքական ու բարոյական շարժառիթներ: Յուսուֆին համադրածակցող անձնավորությունները նպաստում էին սրան: Թովմա Արծրունին վկայում է, որ այս անգամ ես «յուրով այն լինելը զոր ինչ գրէինն՝ զոր ոչ էր զործնալ Հայոց, և գամենայն վնասս և զգործս ապստամբութեանն ի վերայ Աշոտի կուտէին»⁴⁴: Դեռ ավելին. խալիֆայի խորհրդատուները հրեցորում են նրան, որպեսզի գերի վերցնի նախ և առաջ Աշոտ Արծրունուն, որից հետո մյուսները հեշտութեամբ կենթադրվեն⁴⁵, մինչդեռ, ինչպես յետանք, Աշոտ պահպանել էր Յուսուֆի հետ կնքած համաձայնության բոլոր պայմանները:

Այս վերաբերմունքը հետևանք էր այն բանի, որ Բագարատ Բագրատունու գերևարվելուց հետո արեւմտյան Հայաստանում ամենաազդեցիկ իշխանը առաջվա պես մնում էր Աշոտ Արծրունին: Նա էր, որ իրոք կարող էր կազմակերպել ուժեղ դիմադրություն, ուստի խալիֆան և նրա մերձավորները կարծում էին, թե Աշոտի գերևարութեամբ երկրի գինական ուժերը հեշտութեամբ կարող են ջլատվել: Հենց այս նկատառումով էր, որ խալիֆան, հրավիրելով ամիրաներին, հայտարարում է, թե իբր այսքան ժամանակ ոչ ոք իրենց այսչափ վնասներ չի հասցրել, որքան Աշոտ Արծրունին, շնչելով, իհարկե, թե հատկապես ինչ վնասներ է նա հասցրել⁴⁶: Սա կարող էր ակնհայտ լինել, մանավանդ որ նախապատրաստվում էր Բուղա ալ-Քաբիր ալ-Շարաբիր (հայկական աղբյուրներում՝ Բուղա, Բուխա, Բուհա) արշավանքը Հայաստան:

Բուղա զորապետը պետք է իրագործեր այն, ինչ չկարողացան անել Ապուսեթն ու Յուսուֆը: Խոսելով վերջինիս ծրագրերի մասին, Թովմա Արծրունին նշում է, որ Յուսուֆը «մնայր անցանել ձմերանն զի ելցէ ի վերայ աշխարհիս Հայոց սրով և գերութեամբ և մեծամեծ հարուածովք և զմեծամեծս աշխարհիս խաղաղուցանէ ի գերութիւն և կացուցէ ի վերայ աշխարհիս զործաւարս, որ բստ իւրեանց հրամանի զկարգս աշխարհիս յօրինեսցեն, և իւրեանք հանդերձ բնտանեօք իւրեանց նստցին յամուրս Հայոց»⁴⁷: Դա այն ծրագիրն էր, որ իսկապես իրագործեց Բուղան:

Հայաստանը Բուղանդիայից կտրելու լավագույն միջոցը խալիֆայությունը համարում էր հայ իշխաններին սուսարեզից վերադնելու: Խալիֆան եկել էր այն համոզման, որ Հայաստանը կարելի է նվաճել միայն «սովով, սրով և գերութեամբ», որից հետո գերված հայ իշխաններին պետք է փոխարինելին իր զրաժեները, որոնք ժառանգաբար տիրելու էին Հայաստանի գավառներին: Այս է պատճառը, որ խալիֆան, Յուսուֆի արշավանքի ձախողումից հետո կանչելով իր զորապետներին, ասում է. «Ելէք ի վերայ աշխարհիս Հայոց սովով և սրով և գերութեամբ. զիշխանս և զտեարս կողմնակալս և զկուսակալս աշխարհին, զազատս և զազատորդիս փութով առ մեզ հասուցիք կապանօք, և զուր անդէն յաշխարհին կալարուք ձեզ ընակութիւն, և ձեր լիցի երկիրն այն ի ժառանգութիւն և որդուց ձերոց»⁴⁸: Այս նպատակներն իրագոր-

44 Թովմա Արծրունի, 111, Ա, էջ 206:

45 Տե՛ս նույն տեղում, էջ 207:

46 Տե՛ս նույն տեղում, էջ 209:

47 Թովմա Արծրունի, 11, է, էջ 261:

48 նույն տեղում, 111, Ա, էջ 210:

ձեյու համար Հայաստան ուղարկվեց Բուղան՝ մոտ 200 հազարանոց զորքով, որի մեջ մեծում էին նաև թուրքական զորագնդեր: Ուշագրավ է այն հանգամանքը, որ Բուղան առաջին հերթին մտավ իսլավ, ապա շարժվեց դեպի Ասպահունիք, իսկ զորքի մի մասը, Ժիրաքի գլխավորությամբ, ուղարկեց Վասպուրականի դեմ՝ Ռշտունիք: Ուրն էր Բուղայի բուն նպատակը: Անշուշտ, ոչ Ասպահունիքը, դեպի ուր ուղղվեց նա: Ապուսեթի և Յուսուֆի փորձը Բուղային հուշում էր, որ չպետք է վստահել հայ բնակչությանը, նույնիսկ այն դեպքում, երբ թվում է, թե նա հնադարյան է: Յուսուֆը նույնպես իր արշավանքի սկզբնական էր դարձրել իսլավը, բայց շարաշար սխալվել էր, երբ մտել էր Մուշ՝ ձմեռելու (կամենալով ցույց տալ, թե նվաճված է Տարոնը, քանի որ վերջինիս քաղաքական կենտրոնը Մուշն էր): Բուղան իսլավից ուղղվեց ոչ թե դեպի Վասպուրական կամ Սասուն և Տարոն, այլ՝ Ասպահունիք, ուր մինչ այդ հաստատվել էր մահմեդական գաղթականություն: Այստեղից նա ներխուժեց Տարոն և Սասուն, նոր ապա՝ Վասպուրական: Առաջին հարվածը վասպուրականացիներին հասցնելու էր Ժիրաքը, իսկ Բուղան, Տարոնն ու Սասունը ասպատակելուց հետո, օգնության էր հասնելու նրան: Ըստ երևույթին Ժիրաքը դեպի Ռշտունիք շարժվեց համեմատաբար անվերջ կարճ ճանապարհով՝ Բզունիքով և Վանա լճի հարավ-արևմտյան եզերքով: Այսպես կարծելու համար համոզիչ կոման է Թովմա Արծրունու վկայությունը. «Քանզի,—գրում է պատմագիրը,—ընդարձակ էր պահն Հողջայ՝ փութանակի եկն և հաս ժիրաք ի գաւառն Ռշտունեաց»⁴⁹: Հետևաբար, Ժիրաքի ղորախումբն անցել է Հողջով (որն ընկած էր Ռշտունիքից արևմուտք՝ Թուփ գետի ձորահովտում. Կոտոմ գյուղից հարավ) և Արտամետով հասել Վան: Մինչդեռ Բուղան, Տարոնն ու Սասունը ասպատակելուց հետո, համախմբելով Վանա լճի հյուսիս-արևմտյան շրջակայքի արաբ գաղթականությունը ուժերը, լճի հակադիր՝ հյուսիս-արևելյան կողմով շարժվեց դեպի Վան՝ Արծրունիների իշխանության գլխավոր քաղաքը: «Ինքն Բուհա,— գրում է պատմագիրը,— խաղացելու զհետ իշխանին, և ընդ նման տաճիկը Հայաստանեայց, որ բնակեալ էին ի կողմանս կողմանս աշխարհիս՝ առաջնորդէին Բուհայի ի մուտ և ելս աշխարհիս»⁵⁰: Ըստ Հովհաննես Դրասխանակերտցու, Բուղան մտել է Տարոն և գերել Բագարատին ու նրա որդիներին, ապա ասպատակել է Սասունը, որից հետո շարժվել դեպի Վասպուրական⁵¹: Ըստ Բելաձորիի, Բուղան, գալով Բիթլիս, ձերբակալեց Մուսա Իբն Ջորահային (որպես Բագարատի կողմնակցի), ևստերազմից խուժեցիների դեմ, ապա շարժվեց Աղբակ՝ Աշոտ Արծրունու դեմ⁵². Նույնն են գրում Իբն Միսկավայը, Տաբարին, Յակուբին և Իբն ալ-Ասիրը: Մինչև Բուղայի՝ Վասպուրական արշավելը, վերջինիս նախարարները հնարավորություն են ստացել հեռանալու ամուր և ապահով վայրեր: Սակայն Վասպուրականի նախարարների ուժերն այս անգամ երկատուվեցին: Հավանորեն նաև այս ի նկատի ունի Թովմա Արծրունին, երբ գրում է, թե «ի բազումս քայրայեալ լինէր միաբանութիւն աշխարհիս», «չոյժ ուրախ առնէին զիշխանսն ի քակել միաբանութեան իրերաց»⁵³: Սրան մեծուպես նպաստում էր Բուղայի վարած քաղաքա-

49 Նույն տեղում, III, Բ, էջ 213:

50 Նույն տեղում, էջ 218:

51 Հովհաննես Դրասխանակերտցի, էջ 118—119:

52 Տե՛ս «Արարացի մատենագրեր Հայաստանի մասին», էջ 65:

53 Թովմա Արծրունի, III, Ա, էջ 206:

կանոնությունը: Վերջինս աշխատում էր միմյանց դեմ զրգուել ոչ միայն պոլություն ունեցող նախարարական տներին, այլև նրանց, ովքեր տռաջնորդում ունեցել էին իրենց ազդատոհմը, ղործը և նախարարական այլ իրավունքներ: Նա իր մոտ էր հրավիրում պատմական իրադարձությունների բնորոշ իրենց տիրույթներից զրկված տոհմերի շտապիղներին և խոստանում, որ կվերականգնի նրանց նախարարական իրավունքները, պայմանով, որ պաշտոնը իրենց շնորհագրված տոհմի դեմ և համագործակցեն իր հետ⁵⁴: Զորեղ առհմերին (ամենից առաջ Արծրունիներին) թուլացնելու այս քաղաքականությունը որոշ հաջողություն ունեցավ: Բուղան կարողացավ իր կողմը գրավել Բաղրատունի մի քանի պործիչների, ամենից առաջ՝ Մուկրի տերերին, լիբես զրգուելով նրանց և Արծրունիների միջև եղած վեճերը: Բնչպես կոնանենք ստորև, նրան հաջողվեց նաև պառակտում մտցնել Աշոտ Արծրունու և Վասպուրականի որոշ նախարարների միջև:

Նրբ Բուղան շարժվեց Վասպուրական, Աշոտ Արծրունին, Վահան և Մուշեղ Արծրունիներին, Մուշեղ Վահանուն (որ ուներ տանուտիրական պատիվ), Վահրամ սևպուհի և ուրիշների հետ ազատների ղնդով ամրացավ Վասպուրականում, Թոռնավան գավառի նկան ամրոցում: Այնուհետև նկանի մոտակա ձորում իր գորագնդով ամրացավ նաև Վահան Ամատունին, հաշվի տունելով այն, որ նկանում էր «տէրն իւրեանց», այսինքն՝ Աշոտ Արծրունին⁵⁵: Այս միջոցառումներն ունեին զուտ պաշտպանական նպատակներ: Բայց հայ իշխանները միաժամանակ ջանում էին գրական էլը գտնել, «խնդրէին տեսանել, թէ որպէս կարասցէն գտանել զէլս իրաց վտանգին ի վերայ հասանելոյ»⁵⁶: Բուղայի պորքի մի մասը պաշտոնը նկանը, իսկ նրա մեծ մասը բանակեց Ղուկորմատ ավանում (որը հետու չպետք է լինէր նկանից), «ունելով ընդ ինքեանս զբաղմութիւն գերույն կուտեալ իրեն զհոյ»: Հավանաբար Վկգրում ամրոցի դեմ ճնշումն ուժեղ չի եղել, քանի որ, ինչպես տեսանք, հիմնական պորքը դեռ չէր պաշարել տէն: Բայց ամրոցի գիմադրությունը հավանաբար ստիպել է որպեսզի Բուղան, որ անձամբ էր գլխավորում պաշարումը, օժանդակ պորք տեղափոխի այնտեղ, պործադրի քարածիգ և նույնիսկ հրձիգ մեքենաներ: Պաշարված իշխանների մեծ մասը, անիմատո համարելով գիմադրությունը, գավադրություն նշույթեց Աշոտի դեմ, հույս ունենալով անպատիժ իշխել իրենց տիրույթներում: Բուղային րատ երևույթին հաջողվել է իշխաններին խաբել, թե իբր ամբողջ Հայաստանը նվաճված է և գիմադրելն անիմատո: Այս երկվում է նրանից, որ իշխանները Բուղային ուղարկած հրովարտելում դրում են, որ Բուղան հնազանդեցրել է ողջ Հայաստանը, «գիշխանս և գտեարս, գկողմնակալս և զկուսակալս, զքաղաքապետս և գմարպետս բոլոր Հայաստանեալցս»⁵⁷: Իշխանները տեղյակ էին գրսում կատարված ոչ բոլոր անցուպարձերին, որոշ բան գիտեին Վասպուրականի պորքի մեծ մասի ճակատադրի մասին, բայց որովհետև այս պորքը հեռացել էր Վասպուրականից, ուստի կարծում էին, թե ամեն ինչ վերջացած է, որ իբր պորքը հեռա-

54 Տե՛ս նույն տեղում, 111, Թ, էջ 282—283:

55 Տե՛ս նույն տեղում, 111, Բ, էջ 219: Վահան Ամատունու այս գորաջողատի հետագա ճակատադրը մնում է անհայտ: Ինչեւէ, Վահանը չի հիշվում այլևս Արլան լճի մարտում հիշվում են Մուշեղ, Ասիթ և Սահակ Ամատունիներ (նույն տեղում, 111, Դ, էջ 243):

56 Թ ո վ մ ա Ա ր ծ ր ու ն ի, 111, Բ, էջ 219:

57 Նույն տեղում, էջ 223:

ցել է Ատրպատականի կողմերը, մինչդեռ դուրս գալով Վասպուրականից, զորքերը, զաղթականների ստվար խմբով, կենտրոնացել էին Կորճայք նահանգի Որսիրանք զավառում:

Նկանում փաստորեն կատարվեց հեղաշրջում, որի հետևանքով նախարարներն այլևս չէին ճանաչում Աշոտ Արծրունու տերունական իրավունքները: «Բ ձևոս մեր է հոգաբարձութիւն աշխարհիս», — հայանում են նրանք Բուդային⁵⁸: Սա հետևանք էր այն փաստի, որ Աշոտը կամենում էր շարունակել զիմագրությունը, մինչդեռ նրա հետ եղած նախարարները որոշեցին զոհել նրան, միայն թե Բուդան ճանաչի իրենց իրավունքները: «Մեծ իշխան տանն Արծրունեաց՝ Աշոտ, — գրում է Հովհաննես Դրասխանակերտցին, — թէպէտև հանդերձէր զինքն իւրայօքն վառելովք մարտ ընդ բռնադատին Բուխայի ղնել, սակայն նախարարքն իւր ոչ գտանէին նմա համամիտք ի գործ պատերազմի»⁵⁹: Անշուշտ սակավաթիվ իշխանների այսօրինակ կողմնորոշումը վճռականորեն չէր կարող ազդել Վասպուրականի ընդհանուր ճակատագրի վրա, քանի որ նրա ազատանու մեծ մասը իրենց զորքերով Աշոտ Արծրունու հզոր՝ Գուրգենի հետ հակված էին զիմագրելու թշնամուն: Հարավային Հայաստանի քաղաքական միասնության վրա բացասաբար ազդեց նաև այն, որ Մովսես նախարար Սմբատ Բաղրատունին հակվեց Բուդայի կողմը (թեև զրանով Մովսէի բնակչութիւնը զերծ մնաց ասպատակումներից): Ճիշտ է, Սմբատին հաջողվեց համոզել Բուդային և ազատել առաջին Վասպուրականի գերիներին, բայց նախարարներից ոչ ոքի նա չի ազատել (թեև Թովմա Արծրունին գրում է, թե իբր կամեցել է ազատել Աշոտ Արծրունուն)⁶⁰: Այսպես, Բաղրատունիներին հաջողվում է շահել խալիֆայության վստահությունը, մինչդեռ Արծրունիները այն ձևով էին բերելու միայն զինված պայքարի և մեծ զոհողությունների զնով: Աշոտ Արծրունին, իր որդի Դերենիկը և ուրիշներ զերության տարվեցին և նետվեցին Սամառայի բանտը:

Նկատելի անկումից հետո Վասպուրականի զիմագրական ուժերը լրիվ չլիարվեցին, ուստի խալիֆայության տիրապետությունն այնտեղ չէր կարող հաստատուն լինել: Ճիշտ է, այդ ուժերը դուրս էին եկել Վասպուրականից, սակայն հարմար պահին նրանք կվերադառնային այնտեղ: Գուրգեն Արծրունին, որի հետ էին «բազմութիւն ազատաց և մեծամեծացն Արծրունեաց նախարարութեանց և ամենայն զօրաց նոցա», բանակեց Որսիրանք զավառում, Թով գյուղի մոտ, «ի հովիտս նորա, որ կոչի Արևան լիճ», ուր ապավինել էին Աղբակի, Ակեի, Զորեհավանի, Աղզո լեռնակողմերի (Անձևացյաց զավառի), Առնոտան զավառի, Զողա լեռան մատուցներից փախած զաղթականները⁶¹:

Եթե նկանում Վասպուրականի զորքը սակավաթիվ էր, և նախարարները հակված էին հանձնվելու թշնամուն, ապա հակառակն էր պատկերը «Արշան լճում», ուր և՛ վասպուրականցիների զորքն էր մեծաթիվ, և՛ նախարարներն էին հակված պատերազմելու: Նրանք նույնիսկ ևս պահեցին Բուդայի մոտ մեկնել ցանկացող Գուրգենին: Այստեղ բացի Արծրունիների տարբեր ճյուղերի ներկայացուցիչներից, հավաքվել էին նաև Գնունիները, Գաղրիկյաննե-

58 Նույն տեղում, էջ 224:

59 Հովհաննես Դրասխանակերտցի, էջ 119—120:

60 Թովմա Արծրունի, III, Բ, էջ 229—230:

61 ՏԵՍ նույն տեղում, III, Գ, էջ 237:

րր, Ամատունիները, Վարաժնունիները, Ընտրունիները, Ակեացիները, Վահե-
վունիները, Անձեացիները⁶²։ Չկային Վասպուրականի միայն այն տոհմերը,
որոնք Արծրունիներին էին հարել այլ նահանգներից (Հավնունիներ, Քաջբե-
րունիներ, Գաբելյան, Հարքացի և Մուրացան)։ Չի հիշվում նաև Բագրատունի
իշխանը, որը, թերևս, հետևել էր Մսկաց Սմբատ Բագրատունու օրինակին,
խրախուսվելով Բուղայի խոստումներով։ Բուղային հաջողվել էր Վասպուրա-
կանի զորքի դեմ հանել նաև Պարսկահայքի, Ատրպատականի, նույնիսկ
Տփղիսի ամիրանների զորքերը։ Սրանց հետ հիշվում է նաև ոմն Աշխես, «որ
եկեալ էր ընդ զօրսն արքունի ի Գարդայ Պարսից»⁶³, բայց զերազասեց հեռու
մնալ մարտից։ Չնայած տարած հաղթությանը, Գուրգենը չօգտվեց նրա
պտուղներից. «Արյան լճի» մարտից հետո Ատրպատականի Համդո ամիրային
Բուղան հրամայեց գերի վերցնել Գուրգենին։ Համդո ամիրան, որի տրամա-
դրության տակ էր գրվել 10 հազարանոց թուրքական զորաբանակ, զերազա-
սեց խաբույթամբ Գուրգենին գերել։ Վերջինս, որ հակված էր խաղաղության,
հավատ ընծայեց հարևան երկրի տիրոջ գրավոր հրավերին (ամիրան խոս-
տանում էր Գուրգենին թողնել Վասպուրականի իշխան) և մեկնեց նրա ունոտ,
բայց արժանացավ եղբոր հակառակորդին։

ПОЛИТИЧЕСКАЯ ОРИЕНТАЦИЯ ВАСПУРАКАНСКОГО КНЯЖЕСТВА В СЕРЕДИНЕ IX ВЕКА

В. М. ВАРДАНЫАН

(Р е з ю м е)

В условиях господства Аббасидского халифата Васпураканское княжество сохраняло свое существование. Халиф направил в Армению войска, которые в первую очередь напали на южную Армению, в том числе на Васпуракан, имея перед собой цель ликвидировать автономию армянских князей. Захватчикам дали отпор в основном силы Васпуракана и Тарона, между которыми существовал договор о взаимной помощи. Вокруг васпураканского князя сплотились войска 19 ветвей княжеского рода Арирунидов, а также другие княжества Васпуракана и соседних провинций.

⁶² Տե՛ս Թ ո վ մ ա Ա ր ծ ր ու ն ի, III, Գ, էջ 243։

⁶³ Տե՛ս նույն տեղում, էջ 245։ «Գարդայ Պարսից» վայրը հավանաբար նույնական է Իրանի Գարդիզ քաղաքի հետ, որը գտնվում էր. ըստ Վ. Բարտոլդի, Ղաղնայի մոտերքում (տե՛ս В. Бартольд, Историко-географический обзор Ирана, Сочинения, т. VII, М., 1971, էջ 93։